

邃懷堂全集

邃懷堂詩集後編卷四

寶山 袁翼 穀廉

早春

獨立溪橋上隄楊綠未垂風高征鳥健潮逆去帆遲
冰壑含殘凍茅檐漏薄曦今朝人日過將近試燈時
題錢舜舉風雨漁村圖手卷

此卷爲亡友李寶之明經珍藏寶之疾亟贈
其某友且曰吾貸汝金若干汝若需金以此
卷攜示某人必能如數償也故遂歸於余偶

一展覽爲之憮然按舜舉名選吳興人宋景
定間鄉貢進士趙文敏公蚤歲從之問畫法
元初名公卿題其畫者比諸李伯時王晉卿
庾申喪亂以後墨蹟流入江南如吉光片羽
卷尾有南田草衣絕句二首跋語十一行稱
其布置清閒用筆秀整深得晉卿遺意昔曾
見其秋江待渡卷筆法相似草衣 國初常
州人字畫皆入妙品此書行楷參半規模魏
公神韻逼近二王自元迄今六百數十年合

成雙璧真希世之寶也

一卷溪山筆底生詩人不受畫師名流傳六百餘年
久紙上猶聞風雨聲

桃源深處見漁燈愁話滄桑酒一升寂寞頭銜鄉進
士風流不羨趙吳興

歸舟

百里歸程近艱難上水船過橋人影倒撒網浪紋圓
幽草初飛蝶垂楊未噪蟬今宵還繫纜漁火塔山邊
元夜不寐

人間愁萬斛都到枕函邊
鈴急庚郵騎杯豪甲帳筵
梅香窻外覺柑滑袖中傳
蕭索無燈市長空月正圓

論元詩

英主求才三十年荒山一鶴逝
蹢躅辦香曾奉西江社只恐
昌黎畏後賢

杜陵豪邁未全真大厯元和步
後塵誰識雷溪老贊善此身
還是宋遺民

陵陽先生牟獻之篇中高唱和
陶詩東南復見謝臯羽血淚
一腔無盡時

開國長髯異姓王胸中學海本汪洋杜陵詩鉢飄零
久六百餘年在朔方

未識詩家無礙才欲將律髓作胚胎牙尖不拾前人
慧時有鮮新花樣來

伯厚門牆峻且深掃除朽腐發清吟剡源詩品從何
擬數點梅花雪裏尋

年少爭傳枕易詩江南定後鬢如絲吳儂手盥薔薇
露月屋新編日幾披

爲衲爲儒爲宰相卻將餘事作詩人藏春一卷姿瀟

灑尙現華嚴法界身

才氣原推第一流南來萬里作纍囚淒然我讀眞州
詠獨立空庭望女牛

風流人物玉堂仙翰墨文章四海傳天語侍臣稱七
絕詩才最似李青蓮

詩多萬首富波瀾披盡泥沙出紫珊可惜遺山先老
死無人持擇痛加刪

騷雅淵源冰雪心朱絃三嘆有遺音富山妙解東坡
語句句詩須放淡吟

漢廷老吏漢經儒日月聲名照九區一代正宗才力
健如潮如海繼韓蘇

甬上雲初靡子遺南園故陞草離離嗜痂反厭侯鯖
味不讀清容居士詩

截髮搓繩聯斷鎧捲旗作帶裹金瘡那知名將兼循
吏詩骨清於九月霜

前輩還推楊建之伯生造室共論詩神寒骨重餐霞
子豈是沙場百戰兒

文白先生范德機鶴癭玉帶減腰圍拾遺詩裏憂民

淚數點分沾知事衣

奎閣修書青瑣闥夜吟刻苦月光微丰神略似秦淮
海遊女尋春緩步歸

侍講千鈞筆力雄巋然名望五朝中吟詩舌本甜崖
蜜卻與哀梨味不同

前生長吉錦囊存重現曇花在雁門慧業靈心兼俠
骨直教才調薄西崑

簡淡和平帶奇雋焚香細讀此山詩丹黃不礙空靈
手終是白描老畫師

絕妙曹娥幼婦詞斷無孝子不工詩正卿殘稿無多
紙神物千年定護持

後起才名范揭齊綠窻況有蕙蘭妻無人箋注南征
稿俊逸清新我品題

二宋聯吟花萼樓緋衣學士共鳴騶枝頭紅杏驚人
句未必詩才遜一籌

中統元年宣撫使滄桑閱到宋元明題詩痛哭文丞
相絕唱流傳萬古名

徐威卿明天順間在泰山升元
觀一老道士識之真異人也挽

文丞相詩爲
古今絕唱

編修國史侍鑾坡氣節鋒稜不受磨多謝漁洋先摘
錦一聯佳句一長哦

紫巖才氣五陵豪早奉心香杜古高句句過人心坎
裏勝於鳥爪背窩搔

仙骨珊珊立畫屏讀書簾捲九峯青澄泓詩境無渣
滓月到天心水面亭

曾登廣武嘆英雄淚灑新亭夕照中熱血一腔詩百
首道旁人識鐵牛翁

中晚唐音選體裁黍離麥秀寄餘哀竹齋荒圯詩人

老雪夜騎驢獨訪梅

烟雲溪壑盡詩才
醉墨淋漓潑石苔
杯酒誰澆和尚
塢梅花香處大癡來

晚唐詩派荆關畫
絕世丰神姑射姿
老去西湖親訂
橐詩中有畫畫中詩

心事巢由一輩同
詞壇不屑角才雄
昌平紗縠今增
價女伴挑絲織放翁

東山人已返蓬萊
夙世曾分八斗才
料得檜亭明月
夜騎鯨猶見謫仙來

煮石山農隱逸流
騎牛擊劍讀春秋
狂歌金鐵皆飛走
千首詩含萬斛愁

循吏冰衙俗冗無
訟庭春雨長蘼蕪
民間耕織歸吟卷
一軸幽風流火圖

山繞溪環處士家
閉門覓句筆生花
藥房樵唱圍爐讀
冰雪惺鬆沁齒牙

豈肯低頭拜東野
直須長嘯答孫登
九成自寫眞懷抱
身立雲臺十二層

南湖貞晦先生集
秋水渟渟開白蕖
莫道纖穠少風

骨玉溪猶近浣花居

子陵不仕劉文叔鄭趙汪甘有四君留得遺黎分閭
位詩壇重整鸛鵝軍

西湖南浦屋編茅緇衲黃冠石訂交八十殘年哭桑
海爲藏詩橐築龜巢

銅狄摩挲泣汴京搜羅野史卅年成遺山編入元人
集地下應聞嘆息聲

論金詩

二十四年小堯舜天章樂府奏笙鏞北兵不擾南人

福麥飯遺黎祭世宗

伯堅痛飲讀離騷相國家聲有鳳毛絕妙選樓五古
手風神如阮復如陶

文章聲價重詞林夙世吳筠慧業深千騎渡河青兕
去北風愁絕竹溪心

楊花飄蕩恨如何龍性難馴觸網羅誰向蒙城購遺
集空山禹廟夕陽多

蘇黃不作文章伯童蔡翻爲社稷臣題壁詩成亡命
去依劉我總薄斯人

清才絕妙嗣唐音尚有南冠戀主心若被僞齊烹鼎
死高名傳誦到於今

彥高樂府掩詩名海岳樓中作館甥吟到殘花啼鳥
句江南愁殺庾蘭成

名竝韓歐日月高一編溢水氣清豪老臣及見天興
事淚濕先皇舊賜袍

黃華山主卽東坡翰墨流傳惜未多遭際明昌全盛
日朝陽鳴鳳詠卷阿

山林長語出新編卧聽清吟勝管絃用成冰雪心腸

霹靂手掃開詩瘴一千年

退之百斛龍文富付與屏山健筆扛不許詩人再開
口中州豪傑古無雙

牛童馬走識知幾一卷新詩不療饑會出唐人三昧
意無絃琴上更無徽

籍甚才名王子端如何詆白復譏韓慵夫痛下鍼砭
手放大光明法眼觀

海內爭傳鬪韻工天孫織錦巧無窮詩家南渡人多
少都向雲卿拜下風

閭巷聚觀雷御史至今畫像在東平談詩獨契劉京
叔流水空山古瑟聲

德卿風骨似東坡遷謫擠排事亦多只此焚餘詩百
首天荒地老不銷磨

腥臊未滌殘遛習河朔巒光若死灰天賜黃山一枝
筆三唐風雅盡追回

細雨芭蕉葉葉揩苔衣新綠上閒階竹堂小境詩清
婉唱出垂髫雙越娃

少陵豈是村夫子笑倒西巖劉伯深表聖重生改詩

品落花數片白雲潯

梨花閒淡玉真仙妙手文章得自然最愛尙書詩一
句嫩涼如水夜如年

萬言諫疏手親持寶劒終當斬虎兒可惜寄庵生太
晚昌黎不見送窮詩

鐵石心肝盡瘁軀蘇卿歸國失髯鬚玉樓人召遺佳
句收入松菴筆底無

下第文英懶慢身千年大雅藉扶輪後生莫效蚍蜉
撼馬異盧仝一輩人

講學平陽三十秋
兌齋詩集重時流
一邱一壑探奇秀
未到峨眉絕頂遊

飯顙山頭太瘦生
金戈鐵馬氣幽并
愛才雷李皆黃祖
史館誰容一禰衡

女儿山人振古風
韋蘇州與柳河東
空山鼓罷湘靈瑟
獨立梅花雪影中

欽用時時意出新
翻嫌欽叔未推陳
夢中春草池塘句
康樂終難步後塵

歸潛志卽元郎史
抗手詞場亦大家
嘆息中原淪陷

日神川誰識賈長沙

裊然成集待誰刪大節嚴光伯仲間鶴是老人人是
鶴謫仙魂魄返嵩山

認桃辨杏由君眼自有溪山風月知從此紅梅嫌寂
寞詩人不敢再題詩

五律宗風淡不枯襄陽摩詰賞音孤滄桑幾箇完人
在白髮蕭蕭杜善夫

河汾諸老大名垂筆力千鈞麻信之華嶽秀靈終不
滅吸將元氣入詩脾

遯菴零落菊軒存學海瀾翻縱擊鯤八十瑩鰲誰復
嫁聘書空自到龍門

蜂粘落絮飛還墜燕認新巢去復來人道放翁猶未
死西湖驢背句新裁

杜詩只做尋常話斯語聞諸希白翁畢竟浣花溪畔
過望門不入草堂中

好語如珠顆顆圓仲經詩派出唐賢吳儂攜向花間
讀口頰能生五色蓮

天親撒手作頭陀擲管當防法秀呵卻爲落花留綺

語苦心人恨慧心多

興亡閱歷百年間斗北詩壇峻莫攀李杜白韓蘇陸

後大家一席待遺山

欽定唐宋詩醇六大家爲千古不刊之睿鑒繼放翁而起

者非遺山莫屬

遊鶴嶺觀

鶴去何時還入山不見嶺疎林豁遙阜佳氣接仙境

百級虹垂梯四圍日倒影嵌空聳一閣欄檻俗塵混

微風奏松籟翠色遍衣冷中有禮斗人

觀中設心迹

託箕穎便欲從之遊坐忘聊自警

山中書所見

村農負米二三斗野衲結茅四五間斜眇自通溪外
路矮簷不礙屋頭山疎疎綠荇水清淺淡淡白雲風
往還此卽洞天兼福地太平雞犬亦安閒

老去

老去龍鍾態倍增夢中二豎況侵陵神昏漸似離魂
女意懶真同退院僧濁酒扶頭聊把盞細書迷目屢
挑燈閒來仰視飛鴻過莎徑搢筇力不勝

擬悲哉行

漢京四百載民不習金革承平高熙皞遑問簡軍實
羸弱備戎伍廝養冒兵籍黃巾起角寶萬戶避鋒鏑
未見賊旌旗將士先逃匿老翁委溝壑少婦縊閨室
小邑擄金繒大郡據城闕長江三千里化作鯨鯢窟
巍巍封疆臣苦乏平戎策捐輸及輿隸召募盡奸猾
閭閻罄膏脂行陣參蝨蟪蟻聚縱梟盧狼奔附鬼蜮
有時鋌走險紅帛卽裹額箱囊任採取牛豕恣烹食
假稱義旗兵官吏不敢詰所以古賢誠募勇禍胎結
勞師厯五載鎧甲生蟣蝨非惟筋力惰直使庫藏竭

豈無死綏臣徒死嗟何益一叟前致詞自言草間活
廬舍烈火焚妻孥異鄉隔外寇尙易殲內寇必先磔
醜然冠帶徒甘受僞官檄求生喪廉恥嗜利殉貪墨
苛歛餽賊銀窮戶遍搜剔取其所贏餘私橐飽乾沒
宵行而晝伏代賊作偵諜撫膺天下事草野那忍說
聞言心骨悲欲答涕沾臆百六轉厄運將才應期出
疾掃蚩尤霧爭覩羲和日天網雖恢恢此輩終伏鑕
中宵步曠野翹首占太白何處訪桃源殘年暫栖息

留宿田家曉起卽景

一鳥立牛背烟中渡澗來雲濃仍漏日瀑響不停
挈榼分魚鮓傾籃種蕨胎莫言城市好野景足徘徊

將進酒

不飲爲惡客豪飲爲顛僧未得酒中聖奚招方外朋
昔聞鄭康成日飲一石能又聞桓宣武每飲惟三升
我量實小戶蕉葉持兢兢頽然竹榻上橫陳且枕肱
微步花陰間欲策扶老藤偶然值卯醉山妻喚難膺
奴婢或竊笑恐便成聾丞無功已長往誰共糟耶登
天地本逆旅彭殤數何憑不如守方寸照此無盡燈

暮春雜興

眼中時事倍關情，默倚欄杆百感生。
莎徑微風歌蝶翅，柳塘細雨濕鶯聲。
雛孫漸解問奇字，老子猶憐親短檠。
太白陰經何用讀，偶談韜畧衆人驚。

無錢何處構菟裘，絕妙溪山便可留。
簿領困人如縛虎，鄉關歸夢總騎牛。
紫葵開過桐生子，黃鳥啼時麥有秋。
釣月一竿他日事，因看圖畫憶滄洲。

何須眼孔大如輪，直覺新貧壓舊貧。
詩卷終成黃土物，功名不到白頭人。
厨中豌豆堪供饌，檻外茶蘼獨

殿春暝坐非參迦葉諦出門一步厭紅塵

倘似籠中放白鷗鬢毛飛雪已紛編置身不惠不夷
際寄傲非仙非佛間半世折腰嘲俗吏一編拾睡愧
名山麾來未肯旋推去道是城門老抱關

重遊普甯寺

春風墮絮春冥冥寺藏修竹門半扃老僧遺蛻未火
浴時有毒龍來聽經潮陽老鰐拔波起波底鰕鰕盡
東徙遊魂千載生甲鱗戎幙招爲荷戈士松楠不作
梁棟材貌貅萬竈飛烟埃武侯古柏榦先倒召伯甘

棠陰亦摧青山流水悄無語舊時石逕埋蒿萊黑劫
茫茫轉輪疾誰知閻相菟裘宅射聲壁壘傍招提重
見丹霞燒木佛

中村宿觀音院曉起望懷玉山

懷玉洞天名籍籍山是主人儂是客管領湖山秋復
春山是嘉賓儂主人羣峰霄際若招手山意欲言惜
無口神交定結覲面緣蒼翠直送袍衿前老夫畏暑
如酷吏腰腳難登玉瑯地先向山靈祝辦香詩盟息
壤祈毋忘前生或是顧金粟他日玉山築草堂

周村道中

叢蘆斜繞菱荷塘
纖草低垂石卵牆
天氣半晴還半雨
雨鼻端時撲焙茶香

百里

百里傳烽火
隣圻已受殃
戍兵生翼虎
官吏觸藩羊
需索無窮日
遷延不越疆
忽聞風鶴近
卷甲盡逃亡
賊氛近境大
帥見機先
避潰勇二千
餘人回至三
里街大肆劫
掠用農車百
餘輛載貨而
去是夜商賈哭
聲滿市

卽事

兵氣能昏皎日光聲傳風鶴逼愁腸無靈木偶憑狐
祟不捕狸奴縱鼠狂逃命窮黎猿入峽攫財悍卒虎
登堂援師反失城門火三里池魚盡被殃
丁男癸女盡流離睥睨孤城守亦危七十老翁非鄧
艾一軍驍將失王羆行臺祇有催糧檄驛路終無報
捷旗遙望三衢天咫尺江郎山頂白虹垂

大南橋

黑雲如狗壓山凹委土封尸比二嶠人撥草根尋斷
鏃鳥銜髑骨補危巢養癰已誤庸醫手刎頸誰全末

路交死地屯營原險策淮陰兵法孰來教

竹生花

竹花之狀數葉蹙縮中含細穗若絲縷穿成
者淡青色長二三寸種竹家以爲不祥余自
丁巳五月來玉山見署中千竿矗矗葉盡焦
黃詢其故云闔邑皆然竹旣生花鮮不枯槁
流寇犯境殆兆於此與

預示烽烟兆先流草木災及時須補種留待鳳凰來
予規啼

鳥之夜啼者子規戊午二月至七月子規日
夜飛鳴星月之下聲尤清促七月十五日粵
匪三萬餘衆圍攻玉城城中兵勇突圍出勦
三戰三捷賊於二十三日寅刻遁去此鳥遂
絕響蓋羽族得氣之先若有鬼神假之鳴以
告人者可畏哉

百雉孤城圍七日堞樓登眺月明時劉琨死後無豪
傑不聽雞聲聽子規

醉後放歌

問余何不歸鄉關耕桑十畝安且閑渤海潮音盪胸臆松江鱸膾開心顏書有玉杯待人讀家無金穴憑天慳會當冷然御風去醉騎黃鶴遊蓬山鶴背裁雲作牋紙揮毫長嘯驚仙寰路逢木公與金母年逾十萬形羸孱贈我真言五字訣云是鈍樸慵癡頑數聲哀角催夢醒依然身在圍城間

賊退呈平江營統領李次青觀察

萬騎黃巾動地來圍城七日亦危哉天收兵劫蒼生福人識書生上將才

觀察佩一圖章云百戰書生

報

國自當捐

頂踵同心真足感風雷憐余衰晚渾無用願向桐江
訪釣臺

病起

已覺無身忽有身子見莊天公未許脫紅塵欲同中壘

更名字又是輪迴一度人

浩嘆

厄運逢陽九魔氛塞小千塚多兵解鬼巖少地行仙
苦雨花含淚鬢風柳裂綿驚看髻婦弔野祭遍荒阡

靜觀

塵網重重孰指迷
甕中世界等醯雞
酒徒未解酸爲
上棋客須知劫便低
灰塞難迴弱水北
繩長誰繫夕陽西
側生荔子橫栽蔗
蒙叟空將物理齊

七十生朝自述

夢繫淞臯屋數椽
潮音夜度枕函邊
隱娘仙去誰傳
劍陽羨山遙未買
田續比道州書下
考齡希絳叟欠
三年鯨氛未遠
鴻噉野那忍堂開
祝嘏筵

腳踏紅塵七十秋
勞勞去馬與來牛
難憑風角推年
命終愧詩文近俗
流香火豈祈木居士
形骸將作土

饅頭彭殤悟徹南華旨
懶向麻姑借鶴籌

有術者推
余年命云

六十八歲天冲
地剋大限難過

兵燹頻遭萬戶空
催科政拙去匆匆
吏民其訝因何

事盜賊曾經識此翁

某口窺視賊營對山一砲飛來
幸未中傷賊在百步之外見城

上有一白鬚遊子還鄉原快意
將軍倚樹不言功
桂

花香滿懸弧室鼓角聲嚴月正中

城中防兵四
千人未撤

雀羅賓散翟公門
舞綵還嬉卅角孫
放膽欲彈青史

事盟心不負白雲言
輿評尙有平心論
劫火全銷過

眼痕留得閱人雙
老眼山光水色奈黃昏

哭淞逸四弟

一棹蘭溪返沉疴竟不痊衰宗凋骨肉老淚瀉淪漣
鋒鏑吾猶免灰釘汝轉先相逢泉下路未識在何年
五十方稱艾青衿守一簞阿兄分薄精弱子僅微官
藥被參耆誤過服補劑身從露電看人亡琴亦絕生死總
無端

哭少侯姪

弱冠同遊泮離羣久索居烽烟千里隔笑語十年疎
避喚夷之禍來安畫虎原無誚稱麟豈濫譽方千艱
福署中未幾回里

一第天道究何如

姜汝孫能抱憐余叔更癡竹林曾築屋玉樹忽凋枝
薪米憎逋積文章嘆數奇小樓燈火夜記共讀書時
少侯小余一歲制逾五服從
先大夫受業視余如親叔

聞南安府城被陷愴懷前事

內外魚城百雉崇猖狂粵寇欲來攻

南安府有內外二城咸豐元年

余在大庾任內城已繕完惟外城西南角女牆數十
堞聞南雄警信役夫逃散不及修葺至次年春始嚴

工義團尙守陽明法保障誰知尹鐸功

大庾民間習聯珠弩弓沿

王陽明舊制也咸豐元年賊從南雄州僻徑竄入大
庾之吉口距城三十五里時城中兵勇單薄余率百

姓二千餘衆登陴固守每門城上設大砲二尊夜則
每堞五口燃松木一堆火光燭天賊知有備而退
鶴唳臺關流劫火鴻哀橫浦起腥風指近嶺頭父老

空相憶舊令今成白首翁

邃懷堂詩集後編卷五

寶山 袁翼 穀廉

余馬齒七十懷玉紳民製屏幃爲壽賦此答謝

兼留別諸君子

時事艱屯恨滿膺倉皇保障力難勝書生籌筆功名
薄老吏拙簪疾病增五夜瓣香金鼎火廿年心迹玉
壺冰行裝檢點陳編外拄杖猶留嶽麓藤

羣公物望重華楣慙荷羅屏頌禱詞病體癡蠅霜凍
後歸心倦鳥日斜時指困共助三軍餉

賊犯玉山前
後數月中駐

防兵勇七千人幾有呼庚之變城鄉
殷戶助穀一萬數千石危城得保
蕭素村觀察年七十有九吳滙南明經年七十有
逾古稀朱崑渠拔萃年七十有六餘周陳凌諸公亦年
屏中可稱人瑞
蠟屐未登懷玉嶺山靈應訂再來
期

送李次青廉訪歸平江省視太夫人

我本湖海士未登洞庭舟
瀟湘盛騷雅緬懷帝子遊
一朝幸御李元禮真吾儔
備兵來玉山前席借箸籌
書生雖白面克壯元老猶
同心誓滅賊斬刈多俘囚
北闕上捷奏南陔念晨羞
六年遠色笑萱室霜盈

頭忠孝貴兩盡大義難攀留

險艱共嘗胆安樂忽分手公歸曰無以其奈迫將母
千里指雲鞭驪歌唱馬首君山峰矗矗夢澤波瀏瀏
佳氣鬱門庭芝蘭間槐柳堂上拜阿嬈腰綰繡衣綬
當年孤露時畫荻灰存否王事尙靡盬東南有小醜
望公整旅往掃蕩豺狼藪相待百花洲故人一樽酒

臨川李小湖大廷尉乞假省墓道出玉山詩以

贈行

吳下星輶啟仲春

時江蘇學使任滿

故鄉畫錦墨池濱焚黃

告墓松楸喜 賜紫還朝雨露新
玉樹庭前傳鯉訓 令兄仲銘同年常述尊
甫春湖侍郎庭訓綦嚴 金華殿上草龍綸
師生香火緣因在我媿猶趨俗吏塵

重過西溪有感

避暑蓮溪一鑑清
劫灰過後草堂傾
離披留得枯荷葉
夜夜風前作雨聲

過廢墅

柳陰漠漠隱平臺
鞋印年深掩綠苔
春色藏嬌人不見
楊花無賴入樓來

書司馬相如傳後

空有凌雲賦萬言
貲郎老病卧文園
於今九等添人表
猴賜緋衣鶴賜軒

冬日過白石莊

喧闐市井漸荒涼
江滸猶存白石莊
重艇喜添三尺水
疎鐘寒打五更霜
趁墟落落農人少
飛檄蕭蕭驛騎忙
鳬鴨亦知冬氣肅
沙隄展翼向朝陽

送姪孫如海回寶山

道路傳聞吾已死
江湖跋涉汝還來
故廬棖桷應無

恙先隴松楸待補栽弱冠廢書因習慣今年失怙倍
堪哀父少侯茂才預知此後難重見別淚沾衣首不
回

擬唐人遊仙體呈何廉昉郡伯

前生謫自蕊珠宮幸有藍橋咫尺通鸞帚掃花春寂
寞鳳簫吹月夜朦朧醴泉乳瀉巫峰雨琪樹香飄閭
苑風卻被天魔來擾擾丹還九轉竟無功

象笏朝元謁紫闥塵寰爲報小滄桑星辰上界增官
府鐘鼓鈞天換樂章白鹿瑤姬顏改玉青牛老子鬢

沾霜蓬宮催進參同契徵到瑯琊魏伯陽

彭鏗無意作仙官白首迴翔太乙壇一品衣披星斗
滿九華臺抱水雲寒流霞瓊戶常修斧承露金莖舊
鑄盤畢竟惟王粗率甚天關莫怪夜叉攔

不是頑仙卽嬾仙姓名未榜大羅天白羊已化三生
石青鳥猶銜七夕箋欲斷閒情銷綺語誰留長命待
桑田年來背癢無纖爪須要方平著幾鞭

寫罷眞妃六甲經綵鸞騎鶴上青冥靈槎有路通銀
漢秘笈無塵護玉肩霧鬢賦成驚絕艷霓裳曲奏許

潛聽昨宵采女雲端過十八鬟垂孔雀翎

上清貝闕望嵯峨弱水迴遭萬里波定有陰符傳鬼
谷乞將兵甲洗天河田耕瑤艸春烟暖洞入桃花瑞
靄多聞道鼎湖香案吏蚩尤戰勝盡鳴珂

聘錢無復索牽牛欲見黃姑總隔秋盞地遍栽靈壽
草壺天重闢小神州子孫世代忘秦漢兒女姻緣說
阮劉一枕松風貪渴睡金門待詔已遲留

萬仞蜺梯十二層罡風沁骨冷於冰漫從月姊求靈
藥願向麻姑借大鵬碧海珊瑚愁欲朽絳霄鷄犬羨

同升最憐曼倩偷桃後老卧平原病不勝

老儒

九十傳經似伏生何須貴顯到公卿
三家村塾紅塵少扶杖茅簷話太平

老將

百戰沙場號健兒封侯無命鬢如絲
可憐風雪茅廬夜猶夢南山射虎時

老僧

語言文字野狐禪燒卻傳燈錄
一編悟澈前生金粟

果性中天卽釋迦天

老妓

寶奩釵鈿日生塵愁蹙春山半額顰輪與教坊諸姊妹十年前已作夫人

老牛

芻牧時時感主恩垂胡蹠伏水邊村一犁烟雨多辛苦祇替農家養子孫

老馬

曾踏邊關萬里程老來伏櫪但悲鳴槽中夜半驚風

雨錯認金戈鐵甲聲

題隱士移家圖

竹外一鳩啼磯頭雙鷺浴老梅發新花香雪堆滿屋
幽人少俗事日午睡未足猶言塵氛熾避世入巖谷
家具幸無多殘書僅盈簏樵童及爨婢負擔亦迅速
明日訪柴扃雲深何處宿

喜雨

雨點未離霄風聲先繞樹油然雲四野頃刻沛甘澍
早苗轉生機花木得分注微涼到竹簟肌體汗無汙

卧聽蕉葉鳴一夜直至曙

上海王叔彝觀察選同人詩集謬及鄙作寄呈

三首

海內重逢王子衡選詩偏愛洛中生因憐七十龍鍾
叟西抹東塗浪得名

結習殘年尙未除吳謳一卷語粗疏玉溪獺祭無殘
贖那傍香奩作蠹魚

絳雲秀野盡蒿萊騎省重勞序玉臺千里月明申浦
上龍堂神女獻珠來

歲暮感逝

門前車轍不停賓
樽酒論文夜達晨
曾謁孝侯陪末座
鶯花三月廣陵春

周石民夫子

語妙珠璣氣吐霞
太原城上數歸鴉
晉祠碧玉泠泠水
小杓分煎顧渚茶

左夔南茂才

火雲炙手半峰銜
汗浹劉郎博士衫
同宿金山聽粥鼓
妙高臺見秣陵帆

劉孟眉茂才

一篇鸚鵡賦才工
知己何人是孔融
潦倒年年滄海

上文章枉自哭秋風

毛申甫騎尉

鴛湖春漲共鳴榔兩載萍踪聚五羊記得紅棉花底
飲周郎解唱舞山香

周花農明經

吳江雙槳劃琉璃勝侶同舟詠漢陂坐看天平千尺
雪白雲紅樹范公祠

徐兼山張三洲兩茂才

燈前小楷寫黃庭海鶴精神九十齡我愧扶風門下
士但聞絲竹未傳經

徵君章犀台夫子

握別春明歲月賒佳篇珍重寄瑤華黃門今日風流
盡愁說河陽一縣花

潘望之孝廉

耆舊晨星落落沈忘年交誼託知心梅花村裏詩人

墓宿草烟埋一尺深

浦流槎茂才詩人浦某之墓相國劉文清公題碣

虎符死節武昌東
骨肉流離似轉蓬
南望皖公山色好
近來不落酒杯中

徐子逢太守

卯角淞皐共讀書
夜臺今隔子雲居
難忘九月黃花酒
四座幽香滿客裾

高子廉少山兩上舍

學士家聲賦碧雞
西州迴馬草淒迷
過江王謝烏衣巷
祇見空梁落燕泥

汪竺君郎中

秋夜

日入羣動寂
山中秋氣深
不聞梧露滴
老鶴若驚心

蟋蟀

出戶望河漢衆星西北流階前咽蟋蟀助我共悲秋
雨後散步西城隅口占八句用韋蘇州寄全椒
道士韻

拄杖蒼烟中已成世外客雨微掩輕沙湍激激危石
遠聞古寺鐘掩曉日將夕芳草猶未蕪一路馬蹄跡
重過繩金塔寺感憶舊遊

初地有盛衰人事況千變扶杖叩招提不見懶殘面
塔鈴咽無語曲徑薜蘿蔓數花池上浮一鳥枝頭轉

憶昔下禪榻共啖香積飯尖叉鬪詩韻門外堆雪片
晨星今零落存者亦羸倦相識復歸來年年社前燕

題東家流水入西隣畫冊

淡墨溪山點染工茅廬同巷柳陰中墻東流水穿籬
過帶入桃花數片紅

古城道中

荻花楓葉滿江湄裝點征程十月時敗堞年深甑字
蝕荒郵路遠羽書遲梟因落日聲悲嘯雁遇迴風陣
側欹旅舍一燈成默坐不堪心緒亂如絲

侵曉口占

曉起出蓬戶陰晴未定天砌花微暈露村樹遠籠煙
溪漲牛浮鼻沙平鷺立拳隣家人漸返相見各相憐
殘冬欲雪客以天寒有鶴守梅花圖索題故人

寄隱山莊李君筆也

江村負郭遠器塵更喜僧廬結近隣鶴意願爲梅眷
屬水光能助月精神圖繪半輪明月低照梅梢溪中
又有半輪月影布景清雅可愛
夜長燈火詩還續人去山莊墨尙新自笑支離成病
叟一年臘鼓又回春

吳引之觀察前守衢郡惠題拙集賦此呈謝

棠疆錯壤連營屯防兵燒盡松杉根朶雲五色忽飛
至觀者歛衽呼詩仙公今繡衣泣東瀾台浦珠去何
時還愛而不見勞夢想惟將佳句吟朝昏二年懷玉
事鞅掌羸病況更當衝繁有司功罪本無定大劫不
死天所憐流亡未忍督逋賦徒令父老心悽然太清
風掃雲滓穢須臾月挂冰輪圓作詩謝公附郵吏蚋
竅那敵洪鐘宣他時幅巾訪季重莫拒山人叩戟門
余夢前生爲留雲寺僧遍考輿地諸書無此寺

名記之以詩

擾擾塵市人佛法未修鍊云何寺中僧忘卻本來面
深山多白雲朝夕態千變留之不可得不留常在眼
精爽既銷鑠皮囊安足戀有因即成夢有夢卽入幻
俯仰百年身萬事一霎電合掌維摩前他生勿再譴

桐江憶舊

綠楊高與釣臺齊繫棹桐江水拍隄日照紗窻猶半
掩畫眉人起畫眉啼

山行

古寺蔽修竹白雲洞又封山僧若迎客先送一聲鐘
大木抱十圍深澗環百尺惟聞雞犬聲不見行人迹
拙集後編五卷訂成示手民吳生

僵卧春蠶尙吐絲廁中枕上費拈髭他年定有銀河
水肯與徐凝洗惡詩

重過屏風山憇一古寺卽景口占

維摩淨域不聞鐘冷冷龕燈照佛容雙燕尋僧窺舊
壘片雲隨客過前峰藥欄欹後花無主竹徑荒餘草
沒蹤苦憶親知東海溼天涯何處再相逢

道旁有人
操吳門口

音者與接
談片刻

歸舟夜行

遵陸頻聞戒舟行路轉餘孤燈昏遠驛急棹阻淤沙
岸峻月懸樹逢低霜結花犬聲吠如豹前埠有人家
暮春

彷彿西湖祓禊時天桃紅間綠楊枝東風尙帶三分
冷簷角青蟲已挂絲

題漁家小景扇面

水漲平橋雨霽初牽蘿漁婦補茅廬漁翁醉卧柳陰

下了髻雛孫學釣魚

水觀音亭夜坐

寄跡紅塵中洗心淨慧境天浮東岸濶煙罨西峰冷
素交兩三人與世少榛梗雖非秉燭遊惜此良夜永
清談頗亶亶機靜籟亦靜待月上梅梢滿身裏花影

移廬

半邨半郭昨移家槐火清明試薺芽綠篠雨抽穿徑
筍紫藤風落隔垣花貧能投絃心情暇老欲觀書眼
翳遮萬事便宜惟有懶黑甜鄉裏度年華

錢唐

庚申三月

卷之三

三

鳳去龍潛不復回
潮頭百丈雪成堆
地中未見蒼鵝出
湖上重驚白雁來
花月笙歌春幻夢
衣冠人物劫飛灰
臨安弔古空惆悵
晉室清談有將才

妖星芒角射牽牛
立馬誰窺十四州
終古神靈朝禹穴
至今父老憶婆留
六橋霧暗天如醉
三竺烽連佛亦愁
大好湖山形勝地
無人未雨豫綢繆

登章江城門樓

十步登高五步留
蘼蕪綠遍古城頭
山因峰障雲難

過江到潮平水不流幾隊戍兵吹畫角半桅殘照集
漁舟灌嬰洗馬池何在闐闐喧闐接蓼洲

聞賊踞蘇州省城復分股連陷松江太倉諸郡

悽然賦此

叔夜孤男任護妻故鄉寇至各東西一家骨肉稀消
息千里雲山望慘悽垂暮難操迴日轡逃生那得上
天梯吳門五郡關全局早晚須聽奏凱聲

伏枕呻吟意所感觸輒復成句病起屢錄存稿
不自知其工拙也

平生補報乏涓塵角帶新寬老病身淮上王孫輕絳
灌山陽死友感雷陳清風明月原無價小草閒花各
自春我欲歸家歸不得漂零拚作異鄉人

金閨寒食雨廉纖山色湖光撲帽尖舞手垂衫分大

小歌喉拍板辨酸甜

元人貫酸叁徐甜叁以樂府馳名歌者皆能辨之號酸甜樂府

魚牽荇葉翻紅浪鳥逐楊花掠翠檐今日江南誰作

賦哀時開府病淹淹

典衣聊復購參茸藥臼隣家借忤春白髮對人多媿
色青山學我帶愁容笙寒緱嶺難招鶴梭斷璇機未

化龍慧業幾生修得到莎衫芒屨伴春農

杜門謝客倦清談筆記書名老學菴南北烽煙雙淚
落英雄事業幾人擔才無沈友三皆妙性有嵇康七
不堪曝背茅檐晴日暖閒看待女飼新蠶

五品階銜未假緋江州司馬尙青衣山城雨過螺峰
翠澤國霜高槲葉肥燕去自知新壘在花蒿猶帶賸
香飛伯通橋上今宵月數隊游魂血污歸

郭外園林盡變遷風光仍似昔時妍觸蠻未決雌雄
局神鬼難參劫數權骨肉流離傷遠道圖書消遣送

殘年此身只等黃梁熟撒手懸崖萬仞巔

閒庭鳥雀啄莓苔半掩荆扉風自開小巷泥深聽屐
過破窻月漏入幃來病成舐犢楊彪瘦舞倦聞雞越
石哀永夜失眠晨補睡梵鐘底事苦相催

原知天地一蘧廬過客匆匆暫僦居足蹇懶扶九節
杖手風遲答八行書松陰健夏神增爽桐樹驚秋影
漸疎野老相逢談甲子太平及見我生初

耕讀還思教子孫江臯何處舊邱園夢中得句有奇
趣醉後談禪無法門幽澗自鳴流水曲倦禽猶戀夕

陽邨卧龍雛鳳皆黃土火井千年焰不溫

十度京華閱暑寒西來聽鼓誤儒冠拙謀事盡安蛇
足多病身將化鼠肝圓澤三生終踐約楞迦半部待
鈔完眼前南國無窮恨忍淚逢人不敢彈

題蔡子韶公子宜陽八景畫冊

垂老漸少登山緣拄杖倚壁蠟屐懸汝南公子風雅
士攜示峩嵒積雪匡廬煙道書洞天三十六人間往
往逢樵仙宜陽山水甲吳楚游跡遠阻心茫然紫芝
俞老我詩友繪事况更追龍眠贈君八幅輞川畫清

淡著筆無俗妍圖中題墨鳳鸞舞好語一線珍珠穿
前何遜後張先巨公敲韻驚四筵有如劉尉寫屏障
杜陵長句妙入秋毫顛春臺明月輝娟娟雲谷飛瀑
聲濺濺斯圖壽世五百年吾家隱士未返青霞蜨

清明日有感

一甌餠粥雪黏匙又值龐公上冢時柳絮欲將春送
去桃花猶恨客來遲冥濛雨點襟前覺冷淡風情枕
畔知多病所需調藥餌深閨未忍遣楊枝

偶成

南天鶴唳幾驚魂有客青衫濕淚痕昨夜夢中舟一
葉煙波風雨到吳門

半鉤月影上窻紗露滴薔薇一架花杜宇不知人事
改聲聲猶勸客歸家

贈唐鏊門廣文

久擅南州國手名君與令弟金生著怡怡堂圍棋新譜爲今吳中大國手李海門所獎
服其書已刊行西堂霜折一枝荆金生早亡江山歷劫烽煙夢風

雨連牀伯仲情楚漢鴻溝分地險孫吳豹畧練心兵
羨君官冷多閒晷松下時敲白玉枰

吳趨行

讀書不作儒迂酸陰符韜畧時披看宦游久阻具區
舫釣蓑拋落波漫漫句吳都會盛文物湖山錦繡千
年安太阿付與妄庸手一朝億萬生靈殘鋒鏑冤魂
白日嘯流亡血淚黃河翻將軍分道三十七棘門灞
上空盤桓魯陽戰酣戈忽斷半壁夕照回光難金甌
不動尙完固大厦欲蠹須扶搏鯁生慷慨多大志護
屈那有冲霄翰溫郎之裾祖生楫勤王忠義思追攀
解官卧病茅屋裏窺月廿度圓晶團請纓未許侍鞍

鐙飛夢猶得歸鄉關江皋彳亍倚筇立翹首東望摧
心肝長星飲汝一杯酒妖芒莫掃三台垣

題初祖面壁圖

如來衣鉢傳初祖成佛生天今亦難

佛降爲祖七祖以後今亦無人

面壁九年無一語不留文字後人看

史公子以團扇繪牡丹見遺戲題其上

漫費金錢種牡丹天香國色上冰紈春光留住貧家
屋不怕秋風一夕寒

野步

酒酣白髮唱黃雞躑躅林臯鳥亂啼一路野花如引
步杖藜直過板橋西

書蘇文忠公和陶詩後

文忠在嶺南前後所作詩廣州人另編二卷
其和陶每首之前先列原作更一覽易明

東坡謫儋耳盡和淵明詩相望六百載臭味無差池
忠義動蠻徼高風颯穎箕端明嶺南集隱士柴桑辭
兩公異出處同爲百世師聖門列人表靖節視伯夷
坡翁亦入室游夏能肩隨開編一吟諷元氣蟠淋漓
久不得萼堂姪家報悵然口占

桴鼓東南尚未停家書尺素等漂萍
尊思千里應難採千里地名酒酌中山不願醒
舊友重逢頭共白新知雖貴眼誰青
倚欄心緒無人說訴與梁閒燕子聽

余年七十二生辰錢直卿明經以古鏡見惠作

歌謝之

有美自稱容成侯夢中舉袂不肯留
芙蓉粉面花含羞雙瞳翦水橫
清秋仲文晨起斂書閣手攜古鏡紅
絡索唐詩人錢起字仲文祝我耆英永矍鑠
再拜喜如受康爵滄桑歷劫難計年
洪鑪鑄自開元前江心霞氣赤半

天軒轅下視乘龍
蟬非螭非蚪貼荷背
辟易山精與木魅
模糊莫辨欸識字疑
是八分疑是隸街頭
磨鏡誰家郎蟾蜍爲
汝開晶光流蘇綺帳
懸中央俟同仁壽貢
玉堂

病中懊惱詞戲集溫飛卿句

閉門高卧莫長嗟
碧草芊芊暗吐芽
還似昔年殘夢裏
夜來風雨送梨花

嗚嗚戍角上高樓
埋血空生碧草愁
此意欲傳傳不得
病來猶作晉春秋

袁忠詩已成三卷惜搜羅不盡

粉垣回互瓦參差江上東風吹柳枝可惜雄心醉中
老一樽惆悵落花時

玉軸遺圖火半焚

咸豐三年事

卷簾孤坐對氛氲西江日

夕多風浪願漱寒鉶學領軍

故園雖在有誰耕殺氣空高萬里情添得五湖多少
恨不關礪杵報秋聲

藏佛歌

老夫足跡躑躑終日但隱几鄉井屢思歸烽煙沸海涘
天地大逆旅一塵可棲止未識房主人幾年容住此

有時扶杖行躋步恐傷趾妻孥禮菩提爲我祈福履
金人丈六身變相藏芥子法像來西番徑寸光千里
旃檀鏤香匣佩諸襟帶裏資彼龍象力護此螻蟻體
俚語出無稽迦葉笑啟齒芸芸衆生苦大雄平等視
清門世積善我更修鍊士死籍尙可落廢疾何難起

景德窯硯山筆架歌

硯山南唐李氏舊物也余在浮梁偶閱陶九
成輟耕錄中硯山圖命景德窯匠仿其峰巒
製爲筆架玲瓏晶潔不輕贈人今昌南疊遭

烽火高手篆人零落殆盡此物不能複製而
余篋中所藏亦遺失無存文房雅玩聚散若
關世故可嘆也

南唐舊家山環遶秦淮碧家山破已久況此一卷石
曲名念家山破李後主宮中喜歌之識者以爲不祥流落江淮間幸歸海岳室
摩挲整冠拜癖過衛公癖峰巒隱細竅縷縷煙痕濕
將毋漢銅仙遷徙或垂泣東京復喪亂棄擲同磚礫
陶家有遺圖形似存髣髴迄今五百載攷古未遑及
老夫發奇想搏土範岩骨活潑風火鑪鍛鍊瓊瑤質

宛然五指山化作文房物陶楮兩先生蕭齋伴晨夕
羲之扈斑架思公珊瑚格未敢竊嘉名媿彼凌雲筆
越窯重翡翠我自守我白謝仙倘鸞游見若舊相識
當時出新樣湖上共傳說硯山遂馳名匱鼎亂真迹
作俑袁彥道饒舌鳩摩什陶神廟中僧云窯匠仿製
數十枚售賣質粗而峰竅
不昌南繁華逝彈指感銅狄十里珠岡垠夜月光蕭
瑟中書偃息牀今我僅藏一勿再借人觀如秦留趙
璧

題顧山人麻姑仙畫像

山人太倉州人善畫人
物與同里仇十洲齊名

東坡詠瑤姬神仙豈在猛虎頭直畫苑大內出圖本
飄然姑射姿冰雪謝鉛粉彷彿有是人敢問邢與尹
黃門速催取日晷八磚頃此軸背臨摹了了已心領
麻姑西母女三見滄海塵偶降蔡經家娣姒多相親
仙凡迴睽隔欲證夙世因當年繪玉貌假託蓬萊身
蟠桃捧五色深宮祝長春迄今二百載觀者驚天神
如何毛君筆流落俗人手懸壁呼真真褻慢定招咎
我讀魯公記焚香九頓首山人不可作此事莫須有

讀殷浩傳感題

恢復中原事不成虛名畢竟誤蒼生誰知竹馬同遊
日冷眼奸雄已薄卿

讀穆天子傳

瑤池八駿欲迴轡黃竹歌終鳳吹寒獨怪名姬中夜
歿君王不乞返魂丹

秋夜

紙窗月影伏伊威秋氣清森逼絳幃身似老牛鞭嬾
動心如健鶻繫思飛蒙戎欲裹參軍帽短後新裁侍
史衣日嗒華嚴經一遍懺除四十九年非

題清涼居士湖上騎驢圖

明陳章侯筆

湖上梅開雪滿枝
清涼居士跨驢時
江淮父老空垂涕
不見勤王大將旗

汪化亭農部饒枚訪吉士同過寓齋

蓬萊仙侶早同登
敢說通家御李膺
我惜壯心銷末路
天留老眼看中興
乾坤整頓終須定
劫數虛無未可憑
舊事淒涼今事憤
深談相對一寒燈

移病

移病新知少
思歸舊業荒
殘年餘虎口
歧路畏羊腸

遂懷堂詩集

後編卷五

圭

風雨雙吟鬢湖山百戰場招邀蓮社客相與隱柴桑

邃懷堂詩集後編卷六

寶山 袁翼 穀廉

擬古樂府

上雲樂

老胡入中國彭祖始扶牀舉手撫兒頂祝其壽无疆
高鼻青眼謁聖皇玉女大笑流電光狗是文康之獅
子雞是文康之鳳凰鳴舞颯沓排九閭篋中仙樂謐
枕中還丹訣渴飲雲腋泉飢餐朝霞屑親見東方生
三竊蟠桃實青鸞尾帚萬丈長掃盡冰山六月雪老

胡永永嬰孩色

上留田

弟死兄不葬血肉委路旁
蘂裡掩隣里手足成參商
周公誅管蔡大義乃滅親
一篇棠棣詩惻惻猶傷神
田氏欲伐荆花葉先頽傾
兄弟抱頭哭夕萎朝復榮
翩飛桓山鳥生死不分離
鬱葱交讓樹百榦皆連枝
客來訪遺址荒冢亂烟起
千古上留田留在人心裏

烏夜啼

梧桐葉落烏啼時
傳聞天上葬西施
浣紗人去留香

骨猶照館娃宮裏月五湖烟水一舸歸黃金鑄像將
何爲麒麟閣中霍子孟禍萌驂乘族已夷烏夜啼催
人老昔日歌舞臺今日連天草功名富貴能久長惜
汝年命同朝霜

胡無人

君不見古時蜀天子化爲杜宇啼冤魂邊疆少良將
帷幄無謀臣五千散甲楯三千逃虎賁未央宮殿局
魚鎖詔令不出長安門白龍豫且有前鑒鸞輿倉猝
聞西巡六飛扈從減車騎骨肉不待同馳奔包胥淚

盡繼以血義旗勤王無一人瑯邪昔南渡建炎亦蒙
塵桓謝一時傑韓岳眞將軍羣雄鏖戰力扶鼎百年
正朔江東存中興王氣必騰上荆襄四塞咸陽秦杞
叟徒憂天周發不恤緯微臣偷息草野間難覩天顏
論時事我欲乘鶴叩紫闥乞羿一矢殪天狼三峨種
落皆銷亡殷武周宣業再昌業再昌追虞唐越裳白
雉來重洋陛下日一進崑崙觴九九八十一萬齡
綿長

戰城南

生年不讀一字書，膂力不彎一石弧。家世白蹠雄西
都，攀援捷足登天衢。玉腕烏程酒，繡被邯鄲娼。鶯歌
燕舞樂未央，青絲絡頭五花馬。揮鞭直入中書堂，中
書召客修私謁。門生義子稱瑤觴，畫角吹鳴鳴百里。
傳烽驛賊騎，風馳響飛鏑。將軍奉命守山南，旌旆遲
遲往山北。

長相思

長相思，莎雞悲。少婦當牕織絹時，五日織成絹一匹。
猶恐淚痕汚素絲，良人從軍已三載。天涯存沒消息

稀上有白頭之病姑下有黃口之雛兒姑寒兒餓妾
心裂飛梭穿鍼十指胝昨日火伴歸寄妾一封書開
緘不識字燒灰口吞之火伴歸復往密意託君陳明
年瓜代日及早離邊塵遼陽甲士四十萬曾見封侯
幾箇人長相思無盡期

陌上桑

春風問爾何時來
牕前忽見桃花開
踏青女伴私相約
昨日羅衫新剪裁
纖纖玉手繰絲女
萬縷春愁攬蠶緒
檀郎何事不歸家
妬殺畫梁雙燕語

飲馬長城窟行

楚漢逐秦鹿中車令君指爲馬將軍築長城秦人白骨堆城下黃沙何茫茫萬里陰山道躍馬小鮮卑玉鞭裝七寶千歲髑髏生齒牙夜向城根嚙枯草

楊叛兒

楊花飛入誰家屋手拾楊花淚簇簇跳盪隨風南渡江燕子孤棲泣畫梁渡江化作相思樹江水悠悠向東去後宮勿復種垂楊一度花飛一度淚

龜茲鬘歌

黃蘆翠竹土花蝕三管參差龍鳳咽小校陽陶一按
唇滿座賓僚淚霑臆邊人吹作斷腸聲萬里榆關胡
月明平蕪草芽輭如縐八駿逐電蓮蹠輕北斗闌干
挂城角錦衾香夢鶯啼覺三十六宮漏點長漢皇未
奏還鄉樂拔劍向天舞碎訇叩天鼓急救飛廉布風
雨洗清六合瓊瑤宇重譯來朝大夏西龜茲調入琵琶譜

來日大難

去日茫茫東逝川來日大難上水船唇乾口燥思美

酒元叔囊中無一錢我欲攜家浮洞庭蛟鰲噴霧氛
羶腥我欲策杖登匡廬陰森絕壑藏豺貙干戈滿眼
身如寄金粉衣冠盡塗地玉樹空聞才鬼歌金盤已
滴銅仙淚咸陽少故交誰贈范叔袍漂母去不返誰
進王孫飯來日大難壯士途窮一尺之布無人縫一
斗之粟無人舂吾將辟穀習輕舉圯上去尋黃石公

大隄曲

妾家臨大隄門對漢江水不見郎船歸三見開桃李
今年花已殘明年花復好照妾鏡中顏似比去年老

溝水過橋頭新流續舊流橋上多行塵新人續舊人
日月馳烏兔人世成新故夜夜夢尋君風雨灤陽路
憶琴川舊遊

劍氣凌霄飛山光夾城繞趣途歷紆曲臨壑窮窈窕
幽巖聽松篁靜機狎鷗鳥海虞山水窟此境縈懷抱
高風緬仲雍佳句吟謝朓駒陰三十載誤逐名場老
有夢時時遊東望齊門道結願俟來生琴川垂釣好
讀王摩詰集

風雅在人志元音豈淪亡三百編聖門五柳升其堂

義熙迄開寶復得輞川莊詩情畫中見畫意詩中藏
萬象化痕迹寸心涵渾茫神與古初會穆然晤柴桑
韋孟生並世氣味相頡頏慙余學韻語灌木鳴蜩蟬
那知摩詰室換骨有仙方十年悔遲讀垂老徒悲傷

夜起

拄杖立階屣遙城尙咽笳四更初見月千里獨思家
露氣檐前濕星光樹杪遮那堪窮老日流落在天涯

雜興倣香山體

虛銜官五品食廉千二百風塵不才吏媿沐朝廷

澤行年七十三幸登中壽籍造物本無私所畀亦已
溢伯道雖惻惻猶子聯血脈貧賤心事違烽烟鄉路
隔數年天許假婚嫁可全畢仙龕有人守且慢歸兜
率

役役貧賤生役役貧賤老老與病相期病知冥限到
官職論高卑費財計多少沈迷噩夢中豈悟天將曉
聖賢與仙佛身了心卽了精氣歸太虛軀殼還大造
無始亦無終非遲亦非早蝸甲不再蛻玉山有時倒
身前千卷書身後一坏草

杜陵有布衣一飯常思君拾遺授微秩麻鞋見至尊
葵藿向日陽蜂蟻識君臣如何富貴兒嘲訕杞憂人
國事偶屯蹇臣子同摠患所以古良佐盡瘁濟艱難
利鈍固不計氣數亦不言欲從虞淵時揮日回中天
至今忠義心懸在青霄間

扁鵲善治病獨無治老方萬生卽萬死先後歸北邙
貞松壽千載惟恐作棟梁槿花一日萎六時亦榮芳
修德能永命顏子早夭亡漁色必戕身彭祖偏延長
刀兵水火劫非盡人召殃搔首仰問天天色徒蒼蒼

不如終日醉遊于無何鄉

孔氏言性命理在數之先孟氏言氣數逆天與順天
劫從氣數生莫知所造端顏天而黜壽天不操其權
小劫厄陽九否極泰能旋大劫厄天地滄海變桑田
人物火燼後尙有三萬年酉戌亥三時洛陽邵堯夫
華嶽陳圖南請問兩夫子其然豈其然

蹶張百夫雄監郡雙月選敘功卽眞除赫奕高牙建

長平奮奴虜

衛青封長平侯

武襄起黥面風雲適際會豪傑

皆豹變世運遞乘除人物隨更換無量大劫中自有

福庭踐老僮歲遲暮身似春朝霰樗朽幸苟全匏落
甘卑賤報恩望公等戮力戡時亂待勒平蠻碑軍門
願相見

蜩鷲上霄漢變化成鴻鵠沐猴飾冠帶假面登名場
物類反常道宇內大不祥詩人念危亂慨詠北風涼
攜手且同車行行往何方我有素心人早飲藍橋漿
夢中忽相見哀我頭如霜翩然入雲去驚醒涕淋浪
萬事一蹉跌人天兩微茫

賤子垂髫歲四海升平辰吾祖猶矍鑠吾父方壯齡

元旦飲屠蘇出門賀新正先敦宗族誼次洽比隣情
路逢扶杖叟二三老成人貽厥命我拜起立且徐行
作客二十載還鄉心暗驚風俗倏遷變耆舊多凋零
子弟喜通脫不知敬父兄婦女喜粧飾釵釧須黃金
衣服必華麗肴饌必旨精密察里黨問十室八九貧
奢侈召殃咎劫數來刀兵泰極轉爲否旣衰難復振
老夫灌灌意歌以誠後生

軒黃多子姓盛德祀千世或在九州中或在窮海際
君長各遞嬗都邑其雄據幾合復幾分不絕神明裔

譬彼十六國發祥源有自荒遠事無稽況更異文字
智哉列禦寇獨闢三才秘茫茫天地表復有大天地
殺賊在戎韜不在手中刀用人在肝膈不在口中蜜
使者江上來云是觀軍容唐有觀軍容使旌旗亘百里帳下
皆熊熊士卒視如子萬旅一心同金帛視如土不賞
人無功下解倒懸命上慰宵旰衷借問僕射誰庶幾
郭令公

鮒魚困涸轍斗水比江湖翳桑一簞食亦足救餓夫
受恩不在大圖報必鏤膚可憐百萬姓宛轉填溝渠

天心本仁愛人滿亦掃除我儕老不死且作高陽徒
願將酒泉郡縮入劉伶壺

髻齡折柳枝戲插疎籬下經雨復經風綠絲漸盈把
小築讀書堂濃陰覆檐瓦昨得鄉老書殷勤來告我
述我手栽樹柯葉早披墮節斷長流膏心空自生火
茫然一追省荏苒四十年無情物猶爾有恨人何堪
莫怪桓宣武攀條憶漢南

七十乃懸車大夫有成例卑卑牛馬走那見耄期吏
因循不自決反負遂初志

孫興公有
遂初賦

幸守清白箴猶

可問心地我家住東吳
純鱸動歸思道路多豺虎
尺書尙難寄寂坐寓公寮
怕問江南事呼僮捲蘆簾
待燕尋巢至

昔讀長慶集香山有慵詩
及今衰病日情味備嘗之
目慵覽書卷手慵捧盤匜
足慵步階級耳慵聽金絲
口慵周遮說晨夕宜一卮
白衣老居士香山退居後自號醉吟天子知我醉
非大戶我吟多鄙辭惟是各慵狀
異世無參差

阮公登廣武嘆息無英雄
石勒慵保時長嘯洛門東

隴上異人出狐鳴大澤中蟻陣識將雨月暈知將風
禍亂有先兆人心奈悽悽老夫耄已及難頌磨崖功
鯨鯢未掃蕩恨與劍南同兒曹正強壯轉瞬升平逢
他年家祭日毋忘告乃翁

一千二百人同歲賢書舉前生文字緣當世金蘭譜
非無節鉞臣亦仕兵刑部玉堂備顧問不乏蓬瀛侶
回首廿餘年升沈異出處或嘆黃公壚或弔稽山土
或辱泥塗久飢寒閉門戶霄漢數晨星落落惟三五
昔日題名錄今成點鬼簿

已了作官身未了作詩債漸憐親友疎屢被妻孥怪
聲名風過簫年命露沾薤憶昔少壯時意氣頗豪邁
電光與石火倏忽六十載一雙闕世眼覷破大千界
惟有月輪中山河影不壞

朝餐進豚蹄夕餐薦羊肋脾虛患腹脹對案不能食
我初伏田間葵藿美可茹忽耽膏粱味腥羶塞臟腑
辟穀雖多方誰見身輕舉神山本非遠風引船自阻
欲訪武陵源桃花落如雨

世治議裁兵度支節經費世亂議招募戎行備指臂

駕馭苟得人鳥台皆堪使燕昭市駿骨士集黃金臺
漢廷樊濯等皆從屠販來龍虎一吟嘯萬里風雲開
不聞英雄主將相無真才

遺民避秦亂相率隱桃源高士渡遼海百家隨幼安
履霜兆堅冰見幾必先作如鶴出樊籠萬里翔寥廓
如魚匿深淵猶恐來蛟鰐禍福本無常人定天能勝
所以亂離時智士不言命

東漢陰陽家風角及讖緯人事驗吉凶國運推興替
後代鄉曲儒性靈溺章句遂致千餘年絕學無傳繼

曾稽謝夷吾預剋死期至西域鳩摩什能聽鐸聲厲
事見十六國春秋 愚夫昧目前哲士知百世乾坤測端倪亦
不關占數

山川能言語地師盡箝口肺腑能言語醫師亦束手
倉公著脈訣郭璞傳葬經其身已尸解其技通神明
青囊與青烏術士妄託名三公牛眠穴天祚忠孝門
蓬萊不死藥仙度善根人

隕齡日加長羸疾日加增葉枯未辭樹膏竭將殘鐙
云何不自逸推枕夜常興冷眼閱時變長吁一拊膺

清譚漏舟中痛飲焚屋下遠無嘗膽謀近伏噬臍禍
丈夫亦有淚不爲兒女流後死更事多翻替少年憂
庚申除夕感懷寄故鄉親友

催春臘鼓滿江城碧醪屠酥泛翠觥廿載宦途磨蝸
命一編文集亂蛙聲久辜孟喜傳經志難遂羲之誓
墓情寂寞燈前低首坐迴腸慙慙憶平生

世難年荒少稻租寓公囊底一錢無官卑墨綬功名
薄家守青箱學術迂病骨春前梅共瘦禪心秋後草
同枯差忤繞膝多羣仲遇未封胡謝氏雛

猶干
四人

守歲還吟杜老篇故鄉南望意悽然松楸誰護高曾

壟

嘉寶二邑賊屯之處墳壟樹木盡行砍伐

椒柏空懷姊妹筵

唐六如歲朝句椒柏

辛盤姊妹筵

祭竈漫邀隣里飲對牀常夢弟兄眠兄弟四

余在干門早把桃符換道是江春入舊年

臘月二十五日立春

老人昔日有癡兒京兆香攀桂一枝塵界未參金粟

果僊宮早撰玉樓辭霄邊雁足音書斷海畔狼烽骨

肉離

三四房弟婦家居挈子女東西避寇

又值歲除家祭夜焚黃含淚

告存時

閱盡鷓鴣春與蟀秋百年身世亦浮漚詩書澤舊將陵

替君父恩深未報酬花月有情微帶恨湖山無恙
待重遊算來塵網猶難脫欲出陽關馬暫留

乾隆己酉誕生身已到咸豐辛酉春絳叟疑年符甲

子黔妻相伴守庚申燭龍餘曜無多日竹馬同騎有

幾人

香山句云大歷年中騎竹馬幾人得見會昌春時香山七十三歲

惆悵挂冠歸

未得南州添一老遺民

予引疾去任欲賦歸歟而道途梗氣莫遂初志行將卜居

江城以終老焉撫今追昔益自悵然

題吳樵孫大令樵孫詩編

妙手重扶大雅輪一編杼軸錦機新人評杜老詩如

祖少陵之祖審言與宋之間沈佺期等爲初唐四大家君祖雲樵總憲在乾嘉間詩名滿海宇我
喜元郎宅結隣余寓廬與君寓祇隔一牆香草題襟風骨秀慧珠
出口性靈真天涯季子相逢晚交訂忘年意倍親

雨夜

倦眼朦朧倚隱囊芭蕉滴碎雨聲涼共談五十三年
事腸斷燈前老孟光

苦雨憶吳中

五月江南不放晴亂離綠野少人耕黃梅依舊家家
雨點滴如聞疾苦聲

圓覺寺

板橋流水漸淤沙
門對青山鎖晚霞
三載重來風景改
白頭僧去樹無花

偶成

宗社千年固綢繆
一旦疏塵蒙出師
表淚裊活民書
烽火迷江滸
妖星射斗墟
五月二十四日
彗星見西北方
艱危仗公
等莫作鵬鵠車

輓蕭素村太守

草堂羣負北山盟
公約避地
玉山洞天
脫屣公先上玉京
廿載

歸田稱漫叟一軍籌餉坐危城

八年七月賊圍玉城事

亭登招

鶴詩重和水障迴龍壩又成

鶴嶺觀迴龍壩公倡捐修葺余爲作記立碑

千里俄傳伯高赴老人星暗自心驚

年八十歲

秋懷

自摘茱萸插髻邊餘生又到雁來天先民風俗存秋

社郊外尚有

異路衣冠勝昔年栗里荒蕪陶令菊匡

廬搖落遠公蓮故鄉道阻難歸骨擬向西山買墓田

白露

節過白露夜微涼丹桂風飄遠遠香一枕夢魂迷病

蝶半牕燈火泣寒蟬貧來自惜零星費老後原無快
樂腸三月隣家看種竹新梢今已出東牆

重陽日集句

重陽非令節也登高避災沿爲故事詩人吟
詠獨多余罷官臥病兩度重陽偶讀方回桐
江集有摘前人重陽詩句爲韻上三句以已
意湊成者蓋秋士悲秋惜流光之遲暮感身
世之蹉跎憂從中來不可斷絕古今人一致
耳乃仿其體亦成五首閱者幸勿咤效顰之

醜也

白衣送酒來柴桑先生一笑傾百觴題糕莫待九月

九菊花開時卽重陽

蘇文忠公句

茱萸羞壓一頭霜約伴登高望故鄉黃菊初開秋已

老滿城風雨近重陽

潘邠老句

陶家三徑久荒涼半載江州作戰場心似死灰身槁

木亂山深處過重陽

呂居仁句

燕泥蛛網浣琴牀老鶴啼飢爲絕糧人與黃花共憔悴

閑居無酒對重陽

無名氏句

殘年倍覺惜流光
秋雨秋風欲斷腸
今日江南望江北
干戈叢裏見重陽
方虛谷句

偶得

幸無官職恨無家

賊踞故鄉無家可歸

江滙羈棲夢海涯
捻鼻

怕嘗三斗醋
澆胸豪啜六班茶
勁松不改霜中葉
老

桂猶開雨後花
世事蒼黃難逆料
強持煩惱度年華

錢直卿明經以唐倣漢人復丁鏡索題長歌卽

送其赴新昌縣署

古鏡相背不相面
一輪月蝕蟾輝變
四神五岳背紋

奇籀斯二篆蛟龍纏兩京人物今銷磨元興金鑑存

猶多拜石居士作秦贅

居士名站爲直卿族父著有浣花拜石軒鏡銘集錄一卷

關中甘載搜邱阿二十五種富藏弄擘精博古追元

和君家文獻三吳重康成原父相伯仲單于服匿金

胥毗一見呼名驚座衆此鏡摩挲于百年血癍幾抱

黍離痛縱嘲面目肖中郎晉帖唐臨亦珍供長樂無

極老復丁

銘詞云老復丁者漢人語

金膏瓊粉須磨瑩銅仙辭漢

尙流淚容成厯劫甯無情分襟未折河橋柳手寫此

歌贈良友辦香常祝元冥君安得人生如汝壽

題西子浣紗圖

一舸湖波雙載去
沼吳霸越是功臣
翻嫌烏喙酬恩薄
不把黃金鑄美人

紀事 八月初一日

兒童指點望銀潢
五緯聯珠作作芒
老病扶筇無腳力
夜深風露逼肌涼

朝元氣運轉璣衡
合朔朦朧魄再明
從此老夫眠食穩
餘年已卜度升平

擬古中興樂府

衆一旅

夏祚四百天所命賊浞空持太阿柄后緡出寶龍種
傳正朔虛懸十九年田一成衆一旅滅過戈登艾杼
冲齡養晦智勇全古今首出中興主深宮淑配二姚
女克嗣塗山皇祖妣君不見九鼎重安甲兵偃美哉
禹功明德遠

伐荆楚

伐荆已定中興策秉鉞一揮千百國恭默能開道學
源甘盤傳說皆良弼青宮儲貳居民間知民疾苦如

漢宣自河徂亳踐帝祚赫聲濯靈六十年景山寶巔
蟠松嶠王氣成龍壓蠻徼淮北春風元鳥來管軌報

賽高宗廟

亳北立高宗廟明儒季彭山殷武詩注

蒐岐陽

中興英主自不死召和之子代太子潛龍養晦在臣
家虛號汾王逾一紀我車旣攻我馬同翠華金鳥咸
徂東岐陽大蒐朝羣后籀史石鼓鐫豐功嵩高嶽降
神申甫作藩翰方叔威略震荆蠻召穆勲名耀江漢
聖子神孫十一傳西京世德年非遠惜哉晏朝已伏

倦勤心賢后宮中聞脫簪

馬化龍

三馬祚已窮一馬化爲龍神州陸沈時王氣鍾江東
天心陰啟偏安業百年南北分華戎日角生白毫建
康立天子衣冠不復到中原正朔猶存司馬氏典午
亂濟亂渡江亂開治中興經略勝西朝克保越吳財
賦地干家史筆嚴陽秋大命重集元皇帝

辛酉除夕感懷

去歲龍鍾七十三辛盤今夜又傳柑淞皋耆舊知余

在輦下佳音喜客談

得都門友人書述一切近事

不改謳歌歸舜

禹休將劫數問瞿聃呼僮且把桃符換已覺蓬門瑞氣涵

臘鼓聲中爆竹喧祥雲拱護紫薇垣老人扶病猶增

壽化宇回春恰建元

壬戌正月爲同治元年是月初六日立春

著作愧無

千古業生成已沐

五朝恩髻孫亦解承歡意舞綵

藏彊戲一番

小至開筵臘酒馨上天又錫一年齡

唐會要冬至第二日謂之小至

歷家卽於是日起臘陸放翁冬至詩身老怯增年注云喫冬至飯卽添一歲

枯腸芒角還

時露妙語江山尚乞靈漸近上元新甲子難尋故里

舊門庭

寶山海口爲上海水陸門戶嚴守三年自憐縣西鄉鎮焚掠屠戮之慘甚於他邑

耄耄渾無用一掬包胥淚暗零

此生此夜景依稀莫辨鴻泥跡是非法曲祇聞天上

有家山仍向夢中歸形容老醜羞窺鏡賓客蕭條久

掩扉一辦天香祈

萬壽

三江風俗元旦黎明先在庭內燒天香然後開大門

比戶皆然願銷兵氣作春暉

擬重刻邃懷堂前後詩集跋

穀廉袁師著有駢文若干卷船不揣固陋已箋而行
之散行四卷藏之篋衍待梓詩集初鐫於嶺南前編
五卷是也燬於兵燹繼用活字排印於玉山公廨台
後編四卷續一卷外編一卷凡十一卷外有紀咸豐
及婦女死難者曰哀忠集又
小清谷山館詞鈔另行然活字本迄今亦僅有
存者茲 師之猶子霓孫來江求得完墨擬與其弟
竹一謀布諸點石屬舫校閱一過舫額誦之餘思贊
一辭而詩家之源流體裁之正變與夫風會之盛衰

作者之宗尙舐寐焉罔覺徒爲贅語恐無當於溫啟
謹述其感於中發於言無不與行相顧者標而舉之
知 師非僅以語言文字爲工者如巡街過鐵漢樓
有句云事到盡頭爲鐵漢心無轉念卽金城八月生
朝示內子云刎頸早拚同殉志齊眉今算再生時讀
少陵詩偶成四律云投老慚君父情懷若死灰示諸
姪二首云平生輕性命國事方憂患獨坐危城中慄
慄三夕旦方寸持定力生死歸大限長歌行送程臥
梅刺史歸荆溪云丈夫報國不論位貴賤頭顱熱血

願灑沙塲紅皆言之慷慨使當玉山被圍或不能置
死生於度外親冒矢石與李統領次青三次開城迎
勦力保孤城則平日結纓裹革之誓皆虛語也如將
去峽江留別士民及催科謠等作低徊告誡藹然仁
者之言又留別安福士民云敢忘宦海回頭岸不用
民膏造孽錢將赴弋陽并留別廣豐士民云平生不
飲貪泉水溪上梅花鑑此心非真不妄取與何以無
愧此高言也如夜雨獨坐月上答李寶之云衆人骨
皆媚古調不可彈 師聽鼓江城坐是十年不調若

媚世而學李貓下筆時亦當面赤也如勸捐東華堯
峯編修汪化亭吉士云我願孫武書軍營置一篋因
糧在敵人此語慎毋忽言之沉痛卓有遠識利之所
在 師毫不假手船侍教廣豐時所目擊者也嗟夫
大節攸關臨危始見聽言信行自古爲難許彥周有
云彭澤詩顏謝皆不及者以其平日所云之事無一
點愧辭故也船謂 師詩亦然至集中有題先贈君
墨竹五古一章掛名大集感附不朽又聞瑞州被陷
有寄訊船五古一首眷懷獨摯尤不敢默默也用忘

謫劣指其大旨如右以告後之讀 師詩者

光緒十年六月二十六日高安受業朱齡謹跋

謹案邃懷堂詩集 先世父手定前後編十卷
尙有外編一卷則未及訂正者也顧後編之第
五卷其詩視他卷惟倍用於付梓時析之爲二
合外編共十二卷改爲前後編各六朱君跋語
謂爲十一卷者蓋指原本言恐閱者致疑於卷
數之不符故謹白之至於詩之次序則一仍其
舊不敢妄有所更也從子

鎮嵩謹識